

Unna Haoustüaschtaffl

Dh Haoustüaschtaffl is füa mi
niatna blaouß a Schtao.
Ich setzme öfta af sie hi
ud dänk aon fröiha droo.

A Schramman aon mein oina Bao
schtamnt va mein aiaschtn Schtuarz-
üwba unnan Haoustüaschtao.
Woa dhvo va Muttas Schuarz.

Dh Haoustüaschtaffl is owbara
daou ud dort blässieat.
Dhamaols woare um die Draa
wöje n Haomma aasprobieat.

A maa Ahnl haoutse aom Haoustüaschtao
die Summas gean plazieat.
Dhba haouts ihra gichtigs Bao
in Sunnaschei kuarieat.

Howbme oft za iha zouegsezt, gaonz
äng: "Bou!" Schtaat haouts glaacht.
Af dh Seitn touts aon Raousakraanz
ud Guffine wiad zougmaocht.

Naou howbe hoalt fa iha dhfraougt
sua quasi "Gott ud Welt".
Sie haout nie gsaogt- wöi dea Bou mi plaougt,
a nie- wos dean ahföllt.

Ud howbara maa Härzl aasgschütt,
woa sie gaonz füa mi daou.
Draouht: "Naa, wos sura Bou oogitt!"
Leztle laißtzma aollas naou.

Wöima maa Ahnl aaßetrong,
damaols, za goutn Lezt.
Haoutma nuamaol aon Schroong
aom Haoustüaschtao ogsezt.

Unna Haoustüaschtaffl is fua mi
sua bsondas ud kosboar,
daaßara gean dean Nama gi:
"Kloina Haousaltar"!